

重修天津府志卷二十六

考十七

輿地八

風俗 物產

天津縣

天津近東海永樂初始闢而居之雜以閩廣吳楚  
齊梁之民風俗不甚純一性少惇樸

前志引  
衛志

天津無沃田人皆以賈趨利

地當衝要人襍五方

民性淳良俗皆敦樸

貴德恥爭民淳訟簡近來五方雜處逐末者衆訟

獄繁興習尚奢靡

俱同上

內河外海舟楫交會之境百貨麇至

縣志

天津為九河下游可耕之地固少聚處之族實繁

且為水陸通衢是以逐末者眾

喪禮於親初歿男婦哭奠於城隍廟土地祠三日

送路五日成服紳士家遵行家祭禮發引前一日

士庶均行祖奠殯期用紙絹紮絲靡費不一事近

於奢鼓手槓夫分佔地方為喪家害康熙六年十

月閒經天津道張汧出示嚴禁聽從民便不許仍

前把持刁措遂杜其患

俱同上

天津因重出殯致賃

鋪槓房林立閭巷儀從導引漫無限止大家費數千金寒素亦近千貫雖傾家有所不惜似非此不可爲人子者然柩至郊外則不擇地而厝積久不葬任其風雨剝蝕甚且棄於水窪一不之顧往有鄉先生頗負人望立一條規稱家有無爲準俗爲稍變而賃鋪槓房以爲奪其生計羣起爲難由是奢僭之風日甚一日近義阡局清理舊冢見有新棺攢置者詢其子孫無名可考細訪鄰老則極寒之家無力出殯深以爲恥於是夜密舁柩置義阡上冀無知之者俗敝至此官紳所宜力爲導挽者

也又聞天津士人工於應試文字近年舉人會試者計逾百數實為天下罕見然民間風氣強勁以義氣自雄而械鬪之風遂熾加以通商而後商賈輻湊盜賊因以生心既有淮勇練軍各營環鎮於外又立保甲守望各局周巡於內而竊劫之案不能悉泯此其由來久矣刑律載有天津鍋匪專條

附以備攷

采訪册 附錄刑律天津鍋夥匪徒聚眾數十人及百人以上執持火器軍械

殺傷人命或聚眾搶掠擾害商民審明後就地正法如被獲時持杖拒捕者照格殺律勿論其結夥三人以上但有一人執持器械傷人除致斃人命罪應擬抵之犯照舊辦理外餘俱不分首從實發雲貴兩廣極邊煙瘴充軍若結夥雖在三人以上而俱徒手並無器械於軍罪上減一等杖一百徒

三年結夥在十人以上雖無器械但毆傷人者仍照三人以上執持器械例定擬其非錮夥鬪毆之案不得援引此例俟數年後此風稍息仍照舊例辦理此等案犯應照罪應軍流竊案解府審明詳司覈請咨部毋庸解省審勘以免疎失其斬絞重犯仍照例解勘

三月二十三日天后誕辰預演百會俗呼爲皇會十六日日送駕十八日日接駕二十二二十二兩日輦駕出巡先之以雜劇填塞街巷連宵達旦遊人

如狂極太平之景象

縣志

天津皇會之盛致遠近聞

傳數百里內乘船來者鱗集河下滋事百端官府嘗出示預禁以故大會數年一出卽每年從簡舉行商民集費男女肆遊亦屬漫無禁制又四月城

隍會雖校皇會稍殺所費亦屬不貲邑人沈峻有

津門迎神歌附以備攷

鳴鉦考鼓建旗燾尋檣擲蓋或交撲魚龍曼衍百戲

陳更奏開元大酺曲笙簫箏笛絃琵琶靡音雜選

聽者譁老幼負販競馳逐忙殺津門十萬家向夕

燈會如匹練燭天照地目為炫香煙結處擁福神

儀從續紛圍雉扇白晝出巡夜進宮獻花齊跪歡

兒童慈容愉悅默不語譬彼造化忘神功別有香

船泊河澣攜男挈女求聖母焚楮那惜典釵環願

賜平安保童豎我聞聖母奠海疆載在祀典銘旗

常初封天如嗣稱后自明迄今恆降康津門近海

魚鹽利商船糧艘應時至維神拯救免淪胥策勳

不朽宜正位在昔緹縈與曹娥皆因救父死靡他

雖云純孝澤未遠孰若仁愛昭山河復有恬波稱

小聖立廟瀛壖祀敬未聞報賽舉國狂始信驩

虞關性命伊余扶杖隨奔波歡喜爰作迎神歌

康衢擊壤知帝力闕里猶記鄉人儼采訪册

青縣

三年結夥在十人以上雖無器械但毆傷人者仍照三人以上執持器械例定擬其非鍋夥鬪毆之案不得援引此例俟數年後此風稍息仍照舊例辦理此等案犯應照罪應軍流竊案解府審明詳司覈請咨部毋庸解省審勘以免疎失其斬絞重犯仍照例解勘

三月二十三日天后誕辰預演百會俗呼爲皇會十六日日送駕十八日日接駕二十二二十二兩日

輦駕出巡先之以雜劇填塞街巷連宵達旦遊人如狂極太平之景象縣志天津皇會之盛致遠近聞

傳數百里內乘船來者鱗集河下滋事百端官府嘗出示預禁以故大會數年一出卽每年從簡舉行商民集費男女肆遊亦屬漫無禁制又四月城

託家詩書戶絃誦文風視昔倍盛科目亦絡繹不絕昔稱河間文物衣冠之盛比於鄒魯靜邑差無愧云

閩縣田土多佃戶分種耕耘有二次三次者間有一次者糞田者不數數見女多不識織紡俱同上

販粟者南至衛輝磁州北至燕都視年之豐歉以爲糶糶其餘貿易東則海濱之鹽西則獨流之葦魚席藕北則直沽之海味魚蝦南則臨清之百貨及運艘之木竹酒米縣境除兩河岸外皆瘠土民

多逐末以生縣志



士習醇謹無刀筆訟師亦不武斷鄉曲而干謁請  
託尤深恥不爲輸賦每先於百姓遇公事燕會序  
齒不序爵鄒魯之儒秀而良庶幾近之惟憚於研  
經窮史而急於帖括根柢之學殊寥寥耳

農極勤苦御河兩岸澆灌甚易可稱膏腴但不知  
耕九餘三之理一遇災歉卽啼飢號寒飽煖者十  
無二三焉且地鄰東海溽暑多雹窪窞處蔓草叢  
葦蝻蝗尤易蠶生蓋藏之謀不可不預備也殷實  
之家有地數十頃或數百頃則招佃分種佃戶藉  
爲養命之源倘給租不足其數輒稟送訊追或地

重刊天津府志卷三十一 風俗  
易主而佃不退地亦稟送訊究此誠媮風也

縣西厥田中中尙可仰事俯畜無恆產者則以使  
船爲生殖之計惟東鄙窮黎最可憫惜水鹹地鹵  
百穀不生無聊之極祇有偷販私鹽耳重治心所  
不忍輕恕法所不應訟獄紛煩司牧者無可奈何  
商賈以唐官屯獨流鎮瓦子頭爲最土著鮮鉅富  
大都本微利薄工匠不過土木耳奇技淫巧不惟  
不尙亦不嫻

婦女椎髻荆釵絕無妖豔惡習北產蘆蒲工於織  
席南殖禾稼佐其耰鋤蠶桑紡績素弗講也

俱同上

滄州

滄州古渤海地風俗鷺悍高尙氣力

前志引州志

尙氣節以功名自許衣冠人物比於鄒魯

同上

士尙氣節習於詩書尊吏畏法恥事鬪訟自建立

書舍以來文風大起科第甲於他郡

州志

農植旱田不宜稻紳士田產率皆佃戶分種歲取

其半佃戶見田主略如主僕禮儀

工造用物無奇巧

商通有無大抵繒帛來自江蘇鐵器來自潞汾農

具爲多粟米視年之豐歉或糶之使來或糶之使

去其爲市者皆俵日爲集州城日一集鄉鎮旬日  
兩集相沿歲久民皆便之

城郭紳士聚處絃誦相聞其相過問雖貴富率徒  
步一童隨行途遇則相揖燕集以齒爲序以左爲  
尚吉凶有慶弔非大事不用聲樂民習末業女學  
鍼黹有終身不分五穀者

無久淹親柩之事然或艱於地或窘於財要未可  
例論或年久舉殯雖服已久闕而殯後又持服三  
月謂之遊服

城市民居稠疊向多火患有義民五十人相率爲

福水會自備器具災起之處一聞金聲遠近咸集  
指揮上下悉中法程且分投把截諸市井不逞之  
輩不能乘機搶掠火滅之後各家安堵如初號爲  
義民不虛也

城西幅幘無幾濱河皆蔬圃地近城市俗亦相類  
城南沿衛河地勢稍上最南孟村王寺新縣一帶  
田皆膏腴申于州境民亦淳樸農桑之外無別務  
死喪彼此相恤弔客至禮畢附近親友輒延于家  
代爲供具名曰邀客近則別鄉亦效之家供佛像  
以持齋修醮爲行善

城東南舊州作龍堂一帶地勢窪下稍東與鹽山  
縣接壤處田與南鄉相等趙河等村回民多聚居  
之正東楊三墓九女河東北同居李村一帶地勢  
窪極比年疊受水患民頗貧窮再東則漸近海濱  
村莊寥落沮洳者生蘆葦斥鹵者生蓬蒿居民薪  
蒸爲業輦致城市以易粟米再東濱海皆以魚鹽  
爲利大抵樸拙少文習勞務本其亦瘠土民義之  
意歟

城北近衛河皆腴田民習貿易稍東地亦下俗倣

東鄉

九月霜降後田事告竣農民期日出獵會村壯多至千人遇狐兔共逐之無得逸者或先得則高舉過頂以示衆人不得奪日將夕乃各標所獲歡歌而歸名曰合圍亦獮狩遺意也

俱同上

### 南皮縣

南皮軍民雜處悍鷲難馭成宏閒士風恬退子弟

謙恭

前志引縣志

人性質厚少文多專經術大率氣勇尙義號爲強  
伎士平而近邊習於戰鬪

賦重簡僻易治

地無險阻人無逋賦

城西北沮洳宜菽麥濱漕河者以逐末代耕而繁  
華爲甚地稍腴俗多種樹梨棗之利居多東北當  
九河下流一遇衝決卽爲澤國天津之屯種在焉  
軍民錯處悍鷲難馭東爲舊高樂田多白壤木棉  
之產頗饒好鷹狗東南爲饒安西鄙積沙少藎驕  
獷喜鬪南爲舊臨津土窄人稠勤於耕作弦誦力  
穡外無他技巧

俱同上

鹽山縣

士務經學不崇佛老僻在海隅故民多力田而逐



未者少頗有淳厚之風

前志引  
縣志

士尙名節

俗重信義

侈文信鬼椎販時有

俱同上

士子閉戶讀書通經懷古科甲相繼皆由攻苦力  
學以得功名絕少夤緣僥倖之事卽筮仕四方敬  
慎自守及歸林下囊無厚資蓋行已有恥名節信

義之風由來舊矣

縣志

僻在海隅生其閒者多質樸儉嗇不營耳目之觀  
不事機變之術能服勞苦耐寒暑至於游閒之習